

wird. Das ist also zu probiren/ Ich nehme 1. Loth Eysenspäu/thue darzu auff das wenigste der Laugen 16. Loth schwer/ so habe ich durch auß mein Kupffer/ wie ich es mir wüntschē mag/ dz ist die Proba genßlichen vñ gewiß darauff/ auff die Lauge des Kieß die davon kombt zu transmutiren/das Eysen zu gutem beständigem Kupffer / das ist dieses widerbringen des Kießes / wann ich ihm mit dem Fewr zuviel geschehen lassen habe.

Die ander Prob ist diese/ Wann ich ihn gebrandt habe vnd probir ihn mit einem guten Aqua Fort / der gestalt ich nehme vngesehr 1. quint. schwer Kieß / solches in ein Köblein gethan/ darauff gegossen ein theil Scheidwasser / das vngesehr 2. oder 3. finger hoch auff das höchst darüber gehen mag/ laß es damit auffwallen vnd darauff stehen gleich Tag vnd Nacht/so solches geschehen / so muß das Aqua Fort darauff einen guten hohen plawen. Fürckes sich vergleichen / vnd nicht gar der grünlichen Arth nach / so laß ich mich auch genügen. Diß aber ist die gewisseste Probe darauff/ wann ich ihn erhalten vermag im Fewr / daß er mir vor vnd vor seine braune Arth erhalten thut / daß ich ihn mit der vberschwenclichen Hiße / die darauff stossen mag nicht verderbe/ daß er nicht schwarz vnd gleich anbacken will/ einrichten thu/ mit den Species als vff eine Mr. des braunen gebrandten Kieß 3. Loth/ Salmiacs geleutert 2. Loth schwer des figirten/ Arsenicum, 2. Loth schwer Alaun / vñnd 2. Loth schwer des figirten oder präparirten Antimonium, den Kieß den feucht ich anfänglich mit den zugethanen Species wol an / vnd rühre ihn wol durch einander vmb / vnd laß es also arbeiten die Species darinnen 4. Taglang/thu alsdann hinein 4. Loth schwer  $\varphi$ . dieser  $\varphi$ . muß also auch stehen darauff 4. Taglang / alsdann nehme ich ein probigen  $\varphi$ . herausser / bleibet mir davon eine weiße materia / so mag ich gar wol vñnd gewiß mich darauff verlassen / daß der Kieß recht gebrandt worden ist/ das ist die gewisse Probe / auff dem Kieß // alsdann mag ich mir ein Werck einrichten/es sey des Kießes so viel es wolle/so bringe ich auch die Species nicht vergebens vmb / kan es alsdann also zu bereiten / wann ich nur der Probe gewiß bin / nemlich ich rechene auff 1. lb. gebrandten Kieß / gehört 6. Loth Salmiacs / 4. Loth Arsenicum præparatum, 4. Loth Alaun / 4. Loth präparirten vñsoluirten Antimonium. Ist das Kieß nun 1. Centner 2. 3. 4. ist ein einrichten / den feuchte ich erstlichen gar wol an / thue darein seine gebürliche Species / die Species aber die mag ich nehmen wol zwey mal gedoppelt meines Gefallens / derhalben daß es ein Würckung ist / allein dieses ist zu mercken / wann ich der Species brauche gedoppelt / daß ich sie auch desto länger darauff stehen lassen muß / che ich den  $\varphi$ um hinein thue / als ich sese/ wann ich zu einer Mr. schwer anfänglich brauchte / 6. Loth schwer Salmiacs